

Denzdungh Yen Hai Aen Hoih Beizyin Guenjieix Minzyingz Giyez Bi 2025

Vih gikfat rengzhoengh hwngfat minzyingz ginghci, daezswng giyez yendaiva ceihleix suijbingz, doidoengh minzyingz ginghci hwngfat ndei, 5 nyied 8 hauh, Denzdungh Yen hai aen hoih beizyin guenjieix minzyingz giyez bi 2025, daengx yienh 108 aen minzyingz giyez daibyauj camgya hai hoih.

Gwnz hoih, boux conghyah hopndaet hwnqguh byauhacunja giyez guenjieix diji、fuengzre caizvu fungyiemj daengj haedsim yidiz, buqcek denjhingz anqlaeh, aeu gij vah yungzheih rox gangj gij dauhleix laeg okdaej, son gij banhlap guenjieix miz

leix caeuq baenz yungh haenx hawj giyez. Guekgya Ginhyungz Genhduz Guenjieix Cunggiz Denzdungh Genhgvanj Cihgiz hopheux gaijndei gihci yungzswh giyez iq, fuengzre ginhyungz hozdung mbouj habfap daengj neiyungz lwnhgangj cwngcwz, bang giyez cukmaenh ginhyungz ancienz fuengzsieng. Denzdungh Nungzcunh Sanghyez Yinzhangz gejdooeg dingciva ginhyungz cwngcwz caeuq doigawj canjbinj, vih giyez yungzswh aeuyungh cingcinj “dawz meg hai fueng”, coenghrendz buqcej dieg gaeb hwngfat.

Baez beizyin neix aeu aen vunqsik sam yiengh gap baenz aen “cwngcwz + saedguh + fuzvu”, laeb aen bingzdaiz hagsib gyauliuz caeuq swhyenz doiqciep hawj minzyingz giyez. Daj guenjieix yauqnaengz daezswng daengz coenghrendz ginhyungz fuzvu, daj fuengzre fungyiemj yawhginci daengz gaemdawz seizgei hwngfat, gij banhlap coenghrendz cienzmienh haenx yaek haenqrendz doidoengh Denzdungh minzyingz ginghci coh aen fuengyiengq caetliengh engq ndei、engq miz gij rengz doxdax byaij baenaj. (Yauz Dunhboh/姚敦波)

Ginhsiu: Foux Gyongnamh-henj Baijok Yinxdaeuz Yauzcuz

5 nyied 10 hauh, youq Laizbinh Si Ginhsiu Yauzcuz Swciyen Luzgangj Yangh Mbanjsanggujcinz, dangdieg Yauzcuz ginzcung vih bouxhek biujyienj foux gyongnamhhenj. Gyoengqde daenj gij ndangdaenj conzdunj Yauzcuz gyaunde, fwngz gaem aen gyongnamhhenj cingsim cauhyuh haenx, aeu dungcoz onj maenh miz rengz、foux lingzvued laibienq haenx, baijok gij yinxdaeuz daegbied foux gyongnamhhenj, hix baijok gij yinxdaeuz minzcuz caeuq minzcuz vwnzva dangdieg, supyinx haujlai hekyouz daej yawj.

(Danz Gaijhingh/谭凯兴)



▲ Vunzmbanj Yauzcuz diuq foux gyongnamhhenj.



▲ Gunghcoz vinzyenz fat swliu hawj ginzcung. Vangz Sizginz ingi

Hocouh: Gai Cwngzdungh Guh Hozdung Minzcuz Doxgiet Gagnyienh Fuzvu

5 nyied 8 hauh, Hocouh Si Bazbu Gih Gai Cwngzdungh Daibwz Segih guh hozdung gagnyienh fuzvu cawjdaez dwg couqmaenh gij eiqsik Cunghvaz Minzcuz ranz vunz ndeu. Gunghcoz yinzyenz venj fuk baengz senhconz、fat cwngcwz soujcwz、laeb dieg cazcam, senhconz gaij fungsug、fuengz mbaet raemx、siuhfangz ancienz、gyaudoeng ancienz daengj cihsiz. Hozdung gyeobsuenq fat senhconz swliu 200 lai faenh、huqlaex 100 lai faenh, gak cuz ginzcung camgya hozdung mauhgvaq 200 vunz.

(Vangz Sizginz/王石群 Cwng Cinghyangz /郑青强)

Fuzsuih: Gvehoengz Rangdiemz Baenz Gai

5 nyied 10 hauh, youq Cungzcoj Si Fuzsuih Yen Gizgiu Cin Mbanjbusah, dangdieg ginzcung mbaet gvehoengz singisien daengz giz sou mak, soengq daengz daengx guek gak dieg. Aen yienh neix gvehoengz canj lai、diemz haenq、ce ndaej nanz, bouxgaicawx daengx guek gak dieg gig maij. Bineix daengx yienh ndaem gvehoengz daihgaiq 33 fanh moux, yawhsuenq cungcanjliengh miz 50 fanh dunh.

(Luz Vwnzfeij/卢文斐)



▲ Boux ndaem gve cang gvehoengz hwnj ci bae gai.